

125

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 30 1940

T3150/2569.83

乾隆乙酉年鐫

絳縣志

官衙藏板

乾隆乙酉年鐫

絳

縣

志

官衙藏板

新修絳縣志序

絳縣古晉都也今之曲沃
與翼皆絳地今疆畫界各
據所守其稱謂遂殊然山
水皆以絳得名而以絳為
縣從古不易閱前志舊序
考校頗詳其為古絳無疑

哈佛大學漢和
圖書館珍藏印

新修絳縣志

官柳為照

也獨計絳為名區春秋以來名
人碩績史不勝書乃隣邑所
載各有實錄而絳獨歷久無
志前明霜橋李公創始於嘉
靖戊午而記述簡畧窮於耳目
萬曆中年黃候稍復增益至順
治

己亥邑令趙公延訪採擇彙
集成編頗為詳密自是以後
無復修輯余初下車披閱邑
乘心竊悼之以為國朝定鼎
百餘年聖明倬述治化翔洽
其在上下之風偃無論

遠通名蒸々然登於上理
故忠孝節義之士徃々接
跡其間豈此邦竟寡々不
聞耶且文人著述名士科
第未嘗無鴻章顯秩可以
表見當時而乃散而不收
棄而不錄况於空山逸德
石室藏書其伏而不出隱
而弗彰者何可勝道哉有
志之士思孔景仰前徽追
踪懿範而失所考據感發
無從則名教之植將誰是
賴余於鞅掌之暇方思增
補舊籍會

牧伯張公檄屬修志遂得
為所取為爰是禮聘高明
分任良士資所聞見以備
採擇富厚者不得俸入窮
約者無所沉淪去偽存真
刪繁補缺上自星野下逮
藝文合舊志併為一十四

卷分條別類亦百年典故

事跡庶幾展卷燦如而膚

辭體語概從芟削後之覽

者倘更廣為搜羅詳加訂

正以是為裨謨所草創固

余之所厚望其或於披尋

之下慨然興復古之思而

補弊起廢送諸醇朴於
邑志或有裨云

乾隆三十年乙酉仲夏之

吉

勅授文林郎絳縣知縣

白山拉昌阿撰



修志姓氏

總裁

分守河東兵備道兼管水利加三級紀錄三次 沈 斌

山西直隸絳州知州加三級紀錄二次 張成德

山西直隸絳州糧捕州判加三級紀錄三次 李友洙

主修

山西直隸絳州絳縣知縣加三級紀錄三次 拉昌阿

纂修

江南蘇州府昭文縣貢生 王本智

同修

絳縣儒學教諭王垣

絳縣儒學訓導王廣域

督刊

吏目備補絳縣典史彭啟煥

分修

邑貢士張惟揚

邑貢士白雲

邑庠生翟瑛

校訂

邑庠生喬餘慶

邑庠生喬大伸

邑庠生胡炳蔚

邑庠生喬大乾

邑庠生朱孔陽

邑庠生王家棟

邑庠生郭生蘭

邑庠生王阿衡

邑

岸

生 王賜純

邑

岸

生 王食祿

絳縣新志凡例

一新絳故絳備載左國三代而後雖沿革不同而各史及輿圖郡國志確鑿可據今悉考証不敢附會

一絳雖蕞爾實號名區凡事之有關於地方民人者均應詳載然或事止數條另分門類則畸零不成卷帙今悉統於所重以類相附俾事物靡遺簡編無冗云爾

一封爵舊志不載獨周勃一人見於名宦殊為不

類絳爲晉都分茅胙土數百餘年主盟中夏號爲伯主固不容畧卽周華二侯分封食采爵土襲傳累世豈可與令長丞倅並列耶今自有周起至秦漢以下凡有爵土在絳者另爲封爵一類至若夏商以前臺駘實沉諸國代系旣無可考封土不專指絳概不牽引

一舊志職官名姓下籍貫出身有載有不載世遠年湮無從綜覈今祇聽闕文惟

國朝十六年以後悉爲查核註明

一選舉自進士舉人外悉按副歲譜貢志乘歲載以其爲明經之選也其別途仕進及例貢職監雖非科目然已策名仕籍登帶光榮不妨稍示優異明康海武功志海內推爲善本並載例貢可見志乘體例貴因地制宜今將數項人員與封廕並附選舉以昭絳邑簪纓之盛至由吏員考職未經出仕者概不列入

一人物如忠義孝友理學文苑諸類悉依年代先後爲編次而以人物槩之不復分類

一列女舊志分孝義節烈四門今合爲列女傳亦照人物體例以年代爲先後不復分類至若中饋稱賢無非無儀不過以順爲正不便濫取一傳以紀實不容假借凡忠義孝友事業學問有關於綱常名教者固必亟爲表揚卽一言一行堪爲鄉閭模範者亦必蓋棺論定方爲立傳倘子孫溢美而事無實據固不能少徇私情或事雖可傳而其人尚存不妨俟諸身後未便濫爲立傳取議當世

一絳邑俗尚淳樸山樞蟋蟀之風至今尚存凡歲時景物舊志多不載今於風俗內將月令鄉風並春祈秋報村社之俗備記於篇俾閱絳志者知好樂無荒風氣猶爲近古也

一藝文中詩賦序記箴銘贊頌以及文檄雜類必有關於絳邑者方爲採輯以供稽考然亦必取其詞旨雅馴立言有體否則佳篇鉅製雖汗牛充棟與絳無關概不登錄

一志餘原屬齊諧志怪與地方無甚關係舊志不

載今亦無從採輯其里巷之說鄙俚無稽尤不
敢登諸簡策徒傳荒誕

終縣新志目錄

卷之一

星野 圖說附

沿革 地表附

疆域 舖遞形勝附

卷之二

山川 水利附

風俗 土俗附

物產

卷之三

城池 坊里橋梁附

壇廟

卷之四

公署 坊表附

學校 書院社學附

卷之五

田賦 雜稅鹽引附

戶口

倉儲

兵防

卷之六

封爵

職官 駐防城守司附

卷之七

選舉

官蹟

卷之八

人物上

卷之九

人物下 鄉飲賓附

卷之十

列女上

卷之十一

列女下

卷之十二

古蹟 陵墓寺觀附

祥異

卷之十三

藝文第一

藝文第二

卷之十四

藝文第三 舊志序附

新縣新志圖

縣境全圖

縣城圖



縣署圖

學宮圖


涑陽書院圖

縣境十景圖

縣城圖




縣署圖




馬廄


倉廩



學宮圖




涑陽書院圖






鳳崗疊翠



龍澗早春






澮灘落鴈



栢林積雪



古刹靈泉




沸水瀾波




圖考



絳山曉日




圖考



湫池舒光



三十一





華山晚照



石洞飛雲



徐縣志卷之一

星野 圖說附

周禮保章氏註實沈晉也

春秋列國興廢圖說封叔虞於唐居大夏實沈之墟
參之分野

左傳遷實沈於大夏主參唐人是因以服事夏商及

武王滅唐而封太叔焉故參為晉星

國語實沈之墟晉人是居所以興也

史記天官書晉之疆侯在辰星占於參罰

哈佛大學漢和
圖書館珍藏印

前漢地理志魏地背觶參之分野


郡國志註實沈之次於辰在申謂之沿灘於律為中

呂斗建在己今晉魏分野

唐書天文志參伐為戎索為武政當河東盡大夏之墟

宋地理志河東路蓋禹貢冀雍二州之域而冀州為多當觶參之分

觶參圖



丹元子步天歌

三星相近作參蓋觜上座旗直指天尊卑之位九相連司怪曲立座旗邊四鴉大近井鉞前

占候

觜二度在參之右角如開足形主天之關明大則天下安五穀熟移動則君臣失位天下旱隋志云觜觶為三軍之候行軍之藏府主葆旅收斂萬物明則軍儲盈將勢得動而明葆旅起
張衡云葆旅馬座旗九星在司怪西北主別君臣尊卑之位明則國有禮暗

則反是司怪四星在井鉞前候天地日月星辰禽獸


蟲蛇草木之變與天高占同

天高亦星名

躔度

宋兩朝天文志觜三星距西南星去極八十二度半座旗九星距南星去極六十一度半入參宿八度司恠四星距西星去極七十一度入參宿六度半

參宿圖



丹元子步天歌

總有七星觜相侵兩肩雙足三爲心伐有三星足裏
 深玉井四星右足陰屏星兩扇井南襟軍井四星屏
 上吟左足下四天厠臨厠下一物天屎沉

占候

參十度上爲五星日月中道甘氏曰參爲忠良孝謹
 之子明大則臣忠子孝一日參伐一日大辰一日天
 市一日斧鉞主斬刈又爲天獄主殺伐又主權衡所
 以平理也又主邊城爲九譯故不欲其動也參白獸

之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也又曰七將皆明天下兵精也玉井四星在參西右下水象也屏二星在玉井南屏爲屏風玉井東西四星曰軍井行軍之井也軍井未達將不言渴名取此也天厠四星在屏東潤也主天下疾病黃吉青赤白皆凶天屎一星在厠間色黃則吉他色皆凶

參度

參兩朝天文志參十星距中星西第一星去極九十二度半玉井四星距西北星去極九十八度少入畢宿十一度半屏二星距南星去極一百一十五度入畢宿十三度半軍井四星距西南星去極一百五度半入畢宿十四度天厠四星距西北去極一百一十八度半入參宿二度屎一星去極一百一十五度入參宿三度半

沿革 地表附

唐分天下為九州都平陽絳在冀州之域距平陽二
百里為畿內地納鉦

虞肇十有二州都蒲版絳在冀州之域距蒲四百里
為畿內地納粟 按蔡氏集傳以冀青地廣始分
冀東恒山之地為并州其東北醫無間之地為幽
州而冀州止有河內之地今河東一路是也

夏都安邑絳仍屬冀州距安邑二百里為畿內地納
鉦

商絳地屬冀州為甸服地

周為晉國地屬冀州 史記晉世家周公滅唐成王

封叔虞於唐唐在河汾之東方百里唐叔子燮是

為晉侯獻公八年士蔦說公曰故晉之羣公子多

不誅亂且起乃使盡殺諸公子而城聚都之命曰

絳始都絳 索隱引杜預注曰 春秋左氏傳成公六

年晉人謀去故絳 杜預曰晉復命新田 四月丁丑

晉遷於新田 杜預曰新田今 史記幽公之時晉獨

有絳曲沃餘皆入三晉靖公二年魏韓趙滅晉後

兩三分其地絳屬魏

秦分天下為三十六郡絳縣屬河東郡

漢絳縣屬河東郡為二十四縣之一 地理志註晉

武公自曲沃徙此有鐵官 應劭曰絳 史記周勃世

家食絳八千一百八十戶號絳侯 正義曰括地志

縣在絳州曲沃縣南二 舊志併曲沃翼城地入絳

東漢絳也屬河東郡 郡國志註絳邑縣西有絳邑

城

魏絳邑縣屬河東郡

晉絳邑縣屬平陽郡十二縣之一 地理志註故屬河東魏分立

後魏太和十八年置南絳縣屬正平郡建義初置南絳郡治會交川領南絳小鄉二縣 平陽府志魏

置南絳縣及南絳郡移治車箱城 舊志析絳地置曲沃縣析翼城為北絳郡及北絳縣

後周置晉州建德五年廢 明一統志後周罷郡改為絳縣

隋絳縣屬絳郡八縣之一 地理志註絳舊置絳郡

開皇初郡廢

唐絳縣屬絳州雄絳郡七縣之一 地理志註絳望

有鐵 山西通志武德元年改隸滄州四年州廢

仍隸絳州 平陽府志自車箱城徙今治

宋絳縣屬絳州雄絳郡防禦隸河東路 地理志註

絳中有中山化崖華山三砦

金絳縣屬絳州 上隸河東南路

元絳縣屬絳州隸河東山西道肅政廉訪使 地理

志註絳縣下至元二年省垣曲縣入焉十六年復

立垣曲縣絳縣如故

明絳縣屬平陽府絳州

國朝屬平陽府雍正七年陞絳州為直隸州絳縣屬

絳州定為簡缺編戶舊五十二里今二十六里

絳縣地表

唐

虞

夏

在冀州之域為畿內地堯封實沈于大夏絳在其境凡一百載

屬冀州為畿內地凡四十八載

屬冀州為甸服凡四百二十九載禹封彭祖之孫元哲于韋是為不韋絳在其境

商

屬冀州為侯國地
豕韋復承其國武丁滅之
以封劉累絳在其境凡六
百四十祀

周

屬冀州為晉國地
成王九年成王封其弟叔
虞於唐子燮改國曰晉絳
在其西境惠王九年晉獻
公始城絳都之簡王元年
晉景公遷都於新田為新
絳復命絳為故絳傳十三
世至靖公安王二十六年
為韓趙魏所滅絳為晉地
凡八百九年赧王元年為
秦地屬魏地六十二年

秦

絳縣
秦始皇滅六國分天下為
三十六郡絳縣屬河東郡
自周赧王元年至秦二世
三年共一百八年

漢

絳縣
屬河東郡凡二百一十四
年王莽篡漢邑入於新一
十八年

東漢

絳縣
改絳縣為絳邑屬河東
郡凡三百七十三年

曹魏

絳縣本屬河東郡改屬
平陽郡凡四十六年

晉

絳邑縣屬平陽郡隸司州
凡五十六年

十六國

絳邑縣劉淵陷平陽邑入
漢十五年石勒陷平陽邑
入趙三十
冉閔滅趙邑入魏二年
慕容恪滅魏邑入前燕十
八年
符堅滅燕邑入前秦十四
年慕容冲滅前秦邑入西
燕十年慕容垂滅西燕邑
入後燕四年

北魏

絳邑縣
拓拔珽滅西燕邑屬魏三
十八年孝文帝十八年置
南絳縣移置軍箱城屬正
平郡建義初置南絳郡治
會交川領南絳小鄉二縣
凡六十二年共屬魏百年

北齊

南絳郡
天保元年入北齊凡二十
六年

北周

絳縣
建德五年罷郡改為絳縣
入周凡十四年

隋

絳縣
開皇初廢郡為縣屬絳郡
自開皇元年入隋凡四十
年

唐

絳縣望

自車箱城徙今治屬澧州
後州廢屬絳州河東道凡
入唐四百八十九年

五代

絳縣

屬絳州
唐天祐四年入後梁凡十
一年
梁貞明六年入後唐凡十
三年

宋

絳縣中

屬絳州雄絳郡隸河東路
建隆六年入宋凡二百六
十七年

唐清泰三年入後晉凡十
一年
晉開運四年入後漢凡四
年
漢乾祐三年入後周凡九
年

金

絳縣

屬絳州絳陽軍節度使隸
河東南路
天會六年入金凡二百四
十四年

元

絳縣下

屬絳州隸河東山西道肅
政廉訪使至元二年併垣
曲入絳縣十六年復隸垣
曲
大德九年以地震改晉寧
路隸平陽路凡入元九十
九年

明

絳縣

屬平陽府絳州隸山西布
政司自洪武元年入明二
百七十二年

絳縣志

地志

表

本朝

緜縣

順治元年入版圖屬平陽府

雍正七年改屬道隸絳州

疆域 舖述 形勝列

絳縣境在山西布政司西南七百五十里東西廣八十五里南北袤七十里

東至平陽府翼城縣松羅峪四十五里由縣至翼城縣治七十里至澤州府沁水縣治一百四十里

西至聞喜縣清源界二十五里由縣至聞喜縣治八十五里

南至垣曲縣界鵬兒村四十里由縣至垣曲縣治一百三十里

北至平陽府曲沃縣界景明村二十里由縣至曲沃
縣治五十里

東南至垣曲縣界橫嶺關五十里

西南至聞喜縣界橫水鎮二十里

東北至平陽府翼城縣界會交鎮四十里

西北至平陽府曲沃縣界任莊舖三十里

西北距絳州九十里

東北距省七百五十里

東北距京師二千里

舖通附

共八處每舖額設舖司三名總舖四名

總舖 西喬 步坑 楊村 橫水 寨兒

烟莊 橫嶺

東路

西路自縣城總舖起至三岔舖十里三岔舖至橫水

舖十里橫水舖至聞喜縣灌底莊舖十里

南路自縣城總舖起至三岔舖十里三岔舖至寨兒

舖十里寨兒舖至烟莊舖十里烟莊舖至橫嶺關

舖十里橫嶺關舖至聞喜縣獅子舖十里

北路自縣城總舖起至西喬舖十里西喬舖至步坑

舖十里步坑舖至曲沃縣任莊舖十里

形勝附

表裏山河 左傳

襟山帶河三晉要地 廣輿記

絳山橫嶺滄水華池城郭青環川原綠繞 平陽府志

華山晚照 一在縣東南十五里即太陰之嶺崖壁峭

絕日將夕時四面殘霞落照燦爛如錦

沸水瀲波 在縣西北十五里沸泉村水出如沸波

流澄澈風動成文

石洞飛雲 一在縣東有十五里太行山有白雲自洞

中出天即雨俗傳白雲子昇仙于此

柏林積雪 一在縣東北五十里續魯莊山峯插天柏

陰蔽日其積雪春夏不消

湫池舒光 在縣南十五里湫池山天將雨則雲氣

迷漫出光杳冥變態萬狀

滄灘落雁 在縣東北四十五里會交鎮滄流淺漾

灘際平鋪秋深薄暮沙汀蓼渚間羣雁飛集恍如

圖畫

絳山曉日 在縣西北二十里日將出時曙色未晞

嵐光先照矐矐耀日實為巨觀

古剎靈泉 在縣西南十里聖水寺中地列三泉甜

苦異味禱雨多應患疾者飲之能愈乾隆二十年

邑令徐以泰建坊其地名曰靈泉勝景

鳳崗疊翠 在縣西南二十里烟莊村山勢岩巖樹

林蒼鬱每當春夏之交青翠層疊如重樓高閣

踞雲霄八九月間秋色烘染紅翠相間簇錦連雲

玩賞不盡

龍澗早春 在縣南三里俗名九龍溝上有老子廟

層樓飛閣每風和日霽時嵐光煙景掩映迷目下

有泉泉交春日諸處冰皆未泮而此獨綠草流泉

蜂飛鳥語殊多佳致

絳縣志卷之二

山川 水利附

太行山在縣東二十里山極高險西北諸山多其支

脉隸縣境者高五里盤踞十里東連紅嘴溝南連

轍水霍西連暗容溝北連石崖有一峯山半有石

洞雲時飛出

絳山在縣西北二十里接閩喜曲沃縣高三里盤踞

六里有西南北三峯北峯尤高一名紫金山草木

不生土色俱赤縣以此取名焉 通志山下有沸

水產鐵 按漢書地理志註云有鐵官唐書地理志註云有鐵即此地也今無

華池山在縣東十五里高二里盤踞五里東連神溝南連長嶺西連石匣溝北連廟坡有一峯

焦山在縣西南二十里山南屬聞喜山北屬絳縣地
湫池山在縣南十五里高二里盤踞五里東連坑兒溝南連橐駝腰西連崔家凹北連錢家嶺有一峯
上有湫池建龍王祠

筆架山在湫池山之西山有二峯形如筆架故名爲絳邑文筆峯乾隆乙亥年邑令徐以泰建塔其上
太陰山在縣東南十五里高五里盤踞十二里東連楊家峯南連石崖西連西蒿池北連胡嘴坡中有
一峯崖壁峭絕陽光不及

歪頭山在縣東六十里遙高五里盤踞七里
沙峯在縣東三十里壁峯峭絕

陳村峯在縣東南十五里 舊志太陰中條兩山間帶溪水發源處也又通垣曲縣界

紫家峯在縣東南十五里

青凌山在紫家峇多虎

舊志無載通志

冷口峇在縣南十五里四時多風盛暑恒冷故名

續魯峇在縣東北五十里通沁水縣界

河王峇在縣東三十里通沁水縣界

存雲嶺在縣南三十里高三里盤踞五里南連關牛

嶺西連胡凹嶺北連連家嶺一名鳳凰山有姜嫄

塚建廟秩祀見祠廟

橫嶺山在縣南四十里高一里盤踞四里山胥土石

東南跨垣曲縣界名大橫嶺聞喜東南九十里乃

小橫嶺也山下有三泉多白石名白石河

教山 金史地理志絳有太陰山教山絳水

明史

地理志東南有教山 舊志不載見通志

黍葭谷

清野山

哈口 舊志無見通志

絳水發源城西溝中至楊村十里引渠溉田 水經

註澮水又西南與終水合水出絳山東至寒泉奮

湧揚波北注懸流奔壑十一許丈青崖若點黛素

湍如委練望之極為奇觀矣其水西北流注於澮
應劭曰絳水出絳縣西南蓋以故絳為言也 通
考有絳水 明一統志智伯言絳水可灌安邑即
涑水上流也

涑水發源縣東南十五里自陳村峇東出伏流地中
至柳莊復出居民溉田西流入聞喜界 水經涑
水出河東聞喜東山黍葭谷 水經註涑水所出
俗謂之華谷至周陽與洮水合水源東出清野山
世人以為清襄山也其水東大嶺下西流出謂之

哈口又西合涑水 明史地理志經聞喜夏縣安

邑等縣至蒲州入黃河

澮水在縣東北四十五里發源翼城縣東北龍爪溝
東流二十里至大交鎮又至鎮西三里合故郡水
復流至翼城合雲莊二里又至絳州入於汾 當是澮交
入澮之水 明史地理志澮水出翼城烏嶺山舊志作
發源大交誤

沸水發源縣北十五里絳山下村名沸泉 絳水即
沸泉溢為池方廣半畝池底泉無算涌而突上北

至沸泉莊水出石罅流寢巨又北流半里至曲沃
景明村界趨青玉峽

帶溪水在縣東南二十里發源陳村峇諸峯間約四
五里出村西周圍濼遶若環帶故名

逆溝水源出縣東八里王家窰坡下北流入曲沃閭
村莊

拔劍泉在縣東四十里晉峇莊相傳晉文公豎劍拔
而得泉後涸

玉龍泉在縣東五十里東西賀水村灌田合大交鎮
澮水

故郡水出縣東北四十里故郡莊方二畝其深不測
分三渠一故郡一陳景一澮交俱可灌田同流入
澮水

馬跑泉在縣西十里楊村其旁有太陰將軍祠雖旱
不涸潦亦不流

教水出教山 按明史地理志云東南有教山教水
出焉卽乾河之源也

蓮池在縣治南城下有水一泓每新雨初漲羣鳧戲

浴頗饒勝致

青凌池在縣東官莊村心寬有四畝中深二尺雖久
旱不竭嚴冬時滿池皆凍有一處其圓如月清水
瀏亮獨不凝結或以手動之則其處忽合而別移
他處復開一口如故

水利附

頭鄉

楊村莊絳水發源西門外西溝西楊北楊二村瀕水
田設渠北楊村正月一日起七日止西楊村八日
起十六日止遵水碑輪漑周而復始

冷口峇水泉發源橫嶺關東西冷口宋莊三村瀕水
田設渠東冷口月一日起四日止西冷口宋莊五
日起十二日止遵水碑輪漑周而復始

西棗家莊水泉發源縣境周家莊趙村莊崔必莊溝
內西棗家莊柳莊二村瀕水田設渠水程以十二
日爲度西棗家莊使水七日三月一日起六日止
七日爲滲潭水柳莊使水三日八日起十日止十
一十二日又西棗家莊使水遵水碑輪漑周而復

始

三鄉

大郡莊大交鎮澮河發源大郡莊南大郡大交二村
瀕水田設渠水程以十一日爲度大郡莊正月一
日起六日止大交鎮七日起十一日止遵水碑輪
漑周而復始

賀水莊玉龍泉發源賀水莊村西賀水陳景二莊與
翼城縣中賀水西賀水西莊裏等村瀕水田設渠
水程以四十日爲度絳縣賀水莊二月二十五日
起引漑一十六日翼城中賀水村引漑九日西賀
水村引漑十日西莊裏引漑三日絳縣陳景莊引
漑二日遵水碑周而復始

四鄉

范必莊水泉發源莊境東南瀕水田設渠由上及下
輪漑

玉龍泉出東北五十里東賀水村之西漑賀水莊田
餘水順流而西漑翼城中賀水西賀西莊三村田
餘水又漑絳縣陳景村田有水程

沙峇雨水東三十里雨水暴漲居民引溉田
續魯峇雨水東五十里亦通沁水溉田頗廣

按舊志云環絳皆山僅供薪樵遠山有水惟資
隣灌然則絳之水利微矣雖由地勢使然而宰
斯土者宜思蓄泄之方廣灌溉之利民瘼庶有
瘳乎

風俗 土俗附

詩經唐風集傳其地土瘠民貧勤儉質樸憂深思遠
有陶唐氏之遺風焉

左傳季札觀樂爲之歌唐曰思深哉其有陶唐氏之
遺民乎不然何憂之遠也非令德之後誰能若是
史記水深土厚性多剛直好氣任俠當全晉之時固
已知其剽悍矣

前漢書地理志參爲晉星其民有先王遺教君子深
思小人儉陋

隋志絳郡文城臨汾龍泉西河土地沃少瘠多是以傷於儉嗇其俗剛強

柳子厚晉問伶則人用足而不淫讓則遵分而進善其道不闕謀則通於遠而周於事和則仁之質介則義之實恬以愉則安而久於其道至乎哉

朱子詩注唐俗勤儉故其民間終歲勞苦不敢少休及其歲晚務閒之時乃敢相與燕飲為樂

豐城朱氏詩說唐俗勤儉勤者生財之道儉者用財之節聖人教人不越乎勤儉而已

文獻通考河東魏晉以降文學盛興

魏豐樂侯杜君幾為河東守開

置學官親執經教授郡中

化之自後河東特多儒者

宋史地理志其俗剛悍而樸直勤農織之事業寡桑柘而富麻苧善治生多藏蓄其勤嗇尤甚

郭子章晉論古之帝王更都三河讀園桃園棘故其民至於今憂國而忠於主有樞有榆故其民至於今喜樂而愉瞿瞿休休故其民至於今長慮而却顧陟岵陟屺故其民至於今孝坎坎閑閑故其民至於今力穡且葛屨見陘隘焉彼汾見貧儉焉

山西通志其性頗淳其俗尙儉間有剛愎好訟者平陽府志民勤生業尙義好儉

舊志男力農工女勤紡織慕節義戒奢華官遊者耻封殖致政後多貧素如寒士而服用簡樸尤爲俗之美者

土俗附

絳俗婚禮槩從儉約定親時遣媒說合議既定擇吉致啟止備衣冠釵環等物爲定婚之儀至納幣時富者送油送麵駕車送豆穀備食盒或三架五架

不等內載各色衣服布帛菓品菜蔬貧者亦備糕奩首飾遣人致送娶媳至家女伴伴其行禮拜堂禮賓拜舅姑及伯叔姻戚次日乃拜隣里新郎新婦並不同拜亦不交拜至元旦郎家蒸棗裹煮油食備各樣菜蔬菓品至女家以次行禮名曰拜新節元宵女家亦備蒸油菓品送至郎家名曰送饅以後親戚往還如常

絳俗喪禮親歿卽日入殮訃告親友設靈堂書雲雲寫功布製銘旌貧者稍減次日晚備紙馬銀錢同

親友告廟哭泣而退謂之燒紙開弔七日至第七日設品祭奠謝客每七日皆有祭至七七日及五十日祭物稍倍平時出殯日富者卜地制墓而外多設幢幡備饗道路祭作佛事扮劇喪家帷帳俱用白布與貧家無異葬殯或暫或久不一絳俗祭禮寒食忌辰春秋祭祀家家俱有而有祠廟者甚少或爲墓祭或同堂異龕概從儉樸三年脫服及虞祭士夫之家亦間有之

正月元旦早起放爆竹貼門神對聯掛桃符祀天地衆神家堂神及祖宗三代家家互相拜賀 元宵祀神祭祖如元旦十六日婦女登城遊賞名曰遊百病各處祭火神設鰲山演戲放燈喧鬧徹夜城市爲多鄉村亦間有之 二十日煎餅祀神敬祖放烟火滅於元宵置煎餅於糧囤名曰添倉夜不張燈呼爲鼠忌

二月初二日爲龍抬頭各家皆祀土地神 初三日祀文昌帝君各街鄉莊行春祈事或前或後不一其時春分日釀酒醋 二十五日坡下老君廟設

香火會裝社夥演雜劇招集販鬻各色貨物置買甚便四社一十八村輪流辦事餘莊不隨

三月清明各家墓祭添土名爲家封親戚互送紙盤穀兩日畫符貼牆或以灰酒酒牆俗名禁蝎

四月一日蒸十穀食取茵陳或苜蓿和麵蒸菜揀皂角葉或佩頭帽以却諸病

五月五日飲雄酒懸艾貼虎符用葦葉或竹籜包棗糯黍米爲角黍繫五絲線婦女小兒佩珠砂袋以避惡

七月七日家家蒸食男送麵硯臺麥績女送麵針線筐設祭物童男女乞巧或舉或否不一是日曝衣曝書中元薦麻穀佐以盤羞烈楮祖考主前以告歲功姻戚互送紙盤農家用盤紙焚香郊外以祀穀神

八月十五日陳瓜果蔬菜望月羅拜畢劇飲或半夜或終宵縉紳家間有饋禮

九月重陽節或備酒食夥飲或攜酒食登高採菊花而歸

十月一日用麵做扁食祭祖先亦有墓祭者畧同清明
裁楮象衣謂之送寒衣二十五日社祭謂之閉
神門又謂之小年節

十一月冬至官屬在太微宮朝賀縉紳及各書館師
弟相賀拜節其餘諸人亦間有之

十二月五日和五種豆及米作飯名五豆粥一八日
置豆腐及果品於飯中名臘八粥二十三日晚
設麵餅及餚瓜祀竈神二十四五六日掃舍宇
蒸食煮油食除日換門神新桃符貼對聯以備

元旦富者用五辛作盤老稚團歡爆聲達宵浮爲
守歲

物產

穀屬

稷 一名稷月令章句稷秋種夏熟歷四時備陰陽

穀之貴者 高誘曰關西謂之糜冀北謂之黍卽

詩維糜維芑轉音也說文糜稷也廣雅黍稷也然

則稷也稷也糜也糜也名殊而實一也 爾雅翼稷者

五穀之長

黍 苗穗胥似稷而大實圓重土高燥者宜黍黍以

大暑種故謂之黍 李時珍曰黍稷一類而二種

黏者為黍不黏者為稷有黃白赤黑四種胥可謂酒

稻 詩豳風十月穫稻 爾雅翼一名稭稻宜于水田有稷穉秬三種稷不黏可為飯糯黏可為糕用以釀酒尤佳秬比于稷小而尤不黏其種甚早土人號秬為早稻稷為晚稻

穀 卽五穀中之梁也脫殼則為粟米亦曰小米許慎曰今北人呼為穀穀有早穀晚穀二種

麥 有大麥小麥蕎麥三種大麥有露仁不露仁諸

種小麥有火麥黑芒紅麥白麥和尚麥諸種蕎麥夏秋種性寒宜邊地有紅黑白三種

豆 卽菽也有八種黑豆豌豆黃豆豇豆扁豆小豆白豆

芝麻 色白沈存中華談胡麻卽今油麻古者中國止有大麻漢使張騫始自大宛得油麻故名胡麻玉蜀黍 其苗葉胥似高粱穗如秬麥葉傍別出一苞垂吐白鬚久則苞拆子出顆顆攢簇俗名玉秫

醴屬

燒酒

黃酒

柿酒

貨屬

絲

布

靛

蠟

絹

油

麻

蜂蜜

木炭

綿花

紅花

蔬屬

韭

葱

蒜

芹

芫荽

有紅白
赤三種

蒿苳

茄

藕

菘蓬

苦苳

芫荽

菠菜

蘿蔔

胡蘿蔔

木耳

蘑菇

蔓菁

一名燕菁
一名請葛菜

瓜屬

王瓜

冬瓜

南瓜

西瓜

蕭翰使西域得種歸有三種一種黑皮黃瓢絳子一種綠皮紅瓢黑子一種綠皮紅瓢紅子

北瓜

絲瓜

菜瓜

木瓜

香瓜

葫蘆

匏匏瓠也

甜瓜

果屬

核桃

沙果

桃

杏

柿

羊棗

萍果

李

棗

酸棗

梨

葡萄

木屬

松

柏

桐

桑

柳

楸

椿

槐

榆

青楊

白楊

銀杏

花屬

牡丹

玉簪

石竹

末梨

月季

芍藥

金盞

棣棠

木槿

萱

薔薇

玫瑰

鳳仙

蘭

芍葵

海棠

有貼幹垂絲諸種又有秋海棠

山丹

物產

水紅即蓼

雞冠

藍菊

菊

蓮

紫荊

石榴

草屬

百菊

蓬蒿

艾

藥屬

車前

草烏

牽牛

木通

芫花

枸杞

荆芥

桔梗

蒼朮

遠志

甘菊

小柴胡

花椒

香附子

金銀花

菖蒲

羽屬

雞

鵝

鴨

雉

鴿

雁

鵲

鳩

燕

鳶

鴉鷂

布穀

雀

杜鵑

啄木

鴉

喜鵲

鷓鴣

鷹

鴛鴦

石鷄

俗名油葫蘆

毛屬

馬

騾

驢

牛

羊

犬

貓

猪

虎

豹

狼

鹿

猴

獾

兔

鼠

狐

狸

鱗屬

鯉

鯽

鱧

鮎

介屬

螃蟹

蚌

龜

蟲屬

蟋蟀

蜻蛉

蠶

蟬

蝸

蝴蝶

蜘蛛

蠶

蛇

雜類

物產

守宮

螳螂

蟻

蝟蟪

蝦蟇

蝟

蝟牛

金石屬

金精石

銀精石

石灰

葉膽礬

絳縣志卷之三

城池 坊里橋梁附

縣城唐武德元年自車箱城移建築城周圍五里十
三步高二丈濠深一丈東西南共有三門東鎮
峯南絳陽西太安門各有樓宋金元因之

明正統十四年重修

成化七年邑令陳能於南門外增重門並樓

正德十一年邑令包得仁修建窩舖十七座

嘉靖六年邑令唐夢璋磚砌女牆三十四年地震樓

堞傾圮邑令陳訓復加修葺

隆慶三年邑令牛應龍奉檄增高五尺池亦濬深五年邑令翟來旬於西門外增重門並樓

萬曆五年城西北隅路斷門塞邑令王思治權開北門以通出入二十八年邑令黃維翰復修舊路塞北門三十四年邑令崔儒秀復開北門三十五年邑令趙士元仍塞北門

宗禎十四年邑令王敏增修北城敵臺二座南門外甕城加高數尺上建重樓

國朝順治六年土寇破城三門城樓俱爲灰燼七年邑令吳宏佐重修三門八年署令徐祚煥修建西門甕城樓十四年邑令鄭始宏重建東南二門樓十六年邑令趙士宏重修舖舍女牆

康熙三十四年地震三門俱傾圮五十一年邑令盧絳重修西門城樓五十二年邑令盧絳重修南門城樓

乾隆十二年城東南隅領圮邑令舒起重修境內鎮三處

橫水

大交

南樊

境內集六處

縣城西南二街集

東關集

大交集

在縣東北四十里大交鎮

橫水集

在縣西二十里橫水鎮

吉峪集

在縣東北二十里吉峪村

荆姚莊集

在縣東北三十里南樊鎮

坊里附

境內里二十有六舊志絳邑明初編戶四十里後併去六里攢為三十四里崇禎年間又併晉峪南

續為晉南里有水陳景為賀陳皇在二十二里嗣

遭明季兵亂戶口凋殘

國朝軫念民瘼節次裁減今存二十六坊里

頭鄉 孝義

習義坊

城內街三坊一在縣東北

西街

南街

北街

李村 距縣五里

通明坊

城內街一村四在縣西南

東街

東西吳村 距縣五里

溝西莊 距縣五里

峪南 距縣五里

焦家澗 距縣十里

雷孟里 村四在縣西南

堯寓莊 距城十里

東西雷孟莊 距城十里

馬家莊 距城五里

橫嶺關 距城十里

冷口里 村七在縣西南

東西吳必莊 距城五里

西橋莊 距城十里

西楊村 距城十里

冷口莊 距城五里

寨兒莊 距城五里

煙莊 距城十里

沸泉莊 距城十里

宋莊里 村九在縣西南

西荊村 距城十里

孔家莊 距城十里

白家澗 距城十里

宋莊 距城十里

柳莊 距城十里

周家莊 距城十里

西趙村 距城十里

趙村堡 距城十里

西磨裡 距城十里

橫水里 村五在縣西

安家澗 距城十里

橫水鎮 距城十里

南橫水 距城二十里
崔必莊 距城十里

東西录家莊 距城十里
五里

仇張里 村九在縣西北

加家堡 距城三十里
東西仇張 距城二十里

上下高池 距城二十里
南北步坑村 距城二十里

牛村 距城十五里
小張莊 距城二十里

勃村 距城十五里
崗底莊 距城二十里

崔村 距城二十里

東廂坊 附郭東面一里
村一在縣東

東關 王家坡下 距城五里

二鄉 太陰

紫家里 村三在縣東南

紫家莊 距城十五里
神仙莊 距城十里

郭家莊 距城八里

喬也里 村三在縣東北

南北喬也 距縣十里
南北路村 距縣五里

蓋家溝 距縣十里

陳村里 村九在縣東南

陳村莊 距縣十里

東荊村 距縣十里

柴家坡 距縣五里

周家坡 距縣五里

南北喬村 距縣五里

東西南城 距縣十里

申家坡 距縣五里

鞏村 距縣五里

南官莊 距縣五里

犯村里 距縣七里

犯村 距縣十五里
相傳為舅犯故里

張上莊 距縣五里

增村 距縣十里

韓莊 距縣十里

衛莊 距縣五里

睢村 距縣十里

藍峪莊 距縣五里

任村里 距縣四里
縣正東

任村 距縣十里

李丹莊 距縣十里

澗東莊 距縣十里

下村 距縣十里

青凌里 距縣四里
縣東

東官莊 距縣十里

何王莊 距縣十里

東磨裡 距縣十五里

槐泉 距縣十里

尊王里 距縣二里
縣東北

郇王莊 距縣十里

尊王莊 距縣十里

三鄉 荀求

長三里 村三在縣東北

長于莊 距縣三十里

東西三澗 距縣三十里

磨頭 距縣四十里

永梅里 村二在縣東北

永樂莊 距縣四十里

北册莊 距縣四十里

馮范里 村三在縣東北

范柴莊 距縣二十里

馮村 距縣四十里

東趙村 距縣二十五里

晉南里 村二在縣東北

安峪莊 距縣二十五里

西北晉峪 距縣十五里

北續里 村四在縣東北

續魯莊 距縣五十里

東楊村 距縣五十里

張村 距縣五十里

枚村 距縣五十里

賀大里 村四在縣東北

大交鎮 距縣四十里

大郡 距縣四十里

賀水莊 距縣十五里

陳景莊 距縣十五里

四鄉 絳邑

鄭柴里 村三在縣東北

鄭柴莊 距縣二十里

遷橋莊 距縣十五里

陳家坡 距縣二十五里

北柳里 村三在縣東北

南柳莊 距縣二十里

北柳莊 距縣二十里

吉峪 距縣二十里

柏封里 村三在縣東北

下柏莊 距縣四十里

董封莊 距縣三十里

倉豐莊 距縣三十里

史村里 村三在縣東北

史村 距縣十五里

南樊 距縣三十里

北樊 距縣十五里

范璧里 村一在縣東北

范璧莊 距縣十五里

橋梁附

雙濟橋在縣城西北

鎮峯橋在縣東門外

順聖橋在縣東北三十里

通濟橋在縣西二十里橫水鎮西門外

趙村橋在縣西十里趙村東

義溝橋卽逆溝橋在縣東路村十里乾隆二十四年
邑令徐以泰重修更名義溝

義濟浮橋在冷口峪中義民張應時建

通遠橋在縣東二十里李冊莊西

保障橋在縣東北三十里三湖村西

聚風橋在縣南門外乾隆二十四年邑令徐以泰建

壇廟

先農壇在縣東門外雍正四年欽奉

上諭通行直省擇潔淨之地照九鄉所耕藉田四畝
九分之數設立先農壇於雍正五年爲始每歲仲
春亥日府尹督撫及府州縣衛所等官率所屬之
員耆老農夫恭祭先農神照九鄉耕藉之例其設
立先農壇並恭祭先農俱令動支正項錢糧其所
用數目各該地方官報明戶部查核藉田所收之
米粟謹收貯以供該處祭祀之染盛雍正五年知

縣李祖望建造大殿三間左右配房各二間門樓一座周圍墻垣四十七丈壇制高二尺一寸寬二丈五尺神牌高二尺四寸寬六寸座高五寸寬九寸五分紅牌金字祭品羊一豕一帛一鉶一邊四豆四簋二盞二致祭前期致齋二日祭日主祭官及各官俱朝服行禮禮畢各官俱易蟒袍補服知縣秉耒佐貳執青箱耆老播種耕耨耆老一人牽牛農夫二人扶犁九推九返農夫終畝農具俱用赤色牛隻用黑色箱用青色籽種悉照土宜壇宇用勤謹農夫二人看守免其差役給與口糧五年三月又奉部議耕藉日期每年十月朔頒憲書後交欽天監預擇吉期奏請頒行各省同日舉行著爲令

社稷壇在縣西門外壇制橫縱廣二丈五尺高二尺一寸陛各三級繚以周垣四門紅油石主長二尺五寸方一尺座於壇南去壇二尺五寸只露圓尖神牌二一木爲之朱漆青字填寫神號屆祭期設於壇上祭畢收藏潔淨處每歲春秋二仲上戊日

陳設~~敬~~祭祭品帛二俱異色羊一豕一劔一邊四豆四簋二簋二

風雲雷雨山川城隍壇在縣治南門外周圍墻垣壇制悉遵部頒制度每歲春秋二仲上戊日同壇設三神位風雲雷雨居中山川居左城隍居右帛七風雨帛四山川帛二城隍帛一俱白色祭品陳設行禮與社稷壇同

邑厲壇在縣治正北每歲清明日七月望日十月朔日祭無祀鬼神迎城隍神主之

鄉厲壇舊每一里一所今廢

城隍廟在縣治南明洪武四年知縣林實建萬曆七年知縣郝世相及耆民續進忠等重修

國朝康熙二十二年邑令彭標重修乾隆三年知縣蘓大禮重修十八年知縣汪援甲重修

關聖廟在治西街明萬曆二十年知縣黃維翰增修崇禎八年邑令黃從德重修

國朝乾隆十八年知縣汪援甲修建三代祠供香寺院及春秋樓每年春秋二仲月各致祭一次五

月十三日致祭一次
 一在城外西北明萬曆間
 知縣黃維翰建
 一在治東三十里鄭柴鎮
 一
 在城東門外乾隆十九年建

龍王廟在縣治東南舊察院址乾隆七年知縣王瑞
 霖改建凡請雨止雨俱在廟中每歲春秋二仲月
 有司致祭一次
 一在縣南十五里湫池山頂旱
 禱輒有應
 一在縣東十五里華池
 一在縣東
 三里帶溪

國朝順治十六年知縣趙士芳重修

八蜡廟在南門外雍正三年知縣李祖望重修每歲
 致祭
 一日先嗇
 二日司嗇
 三日農
 四日
 郵表畷
 五日猫虎
 六日防
 七日水塘
 八
 日昆蟲

劉將軍廟在南門外北八蜡廟前雍正三年知縣李
 祖望建

真武廟在縣治西北明萬曆二十一年知縣黃維翰
 修

三官廟在縣治西南
 一在縣西二十里崔村明天

啟三年邑令牛耀台重修

馬王廟在縣治東街 一在縣西南十五里冷口峪

康熙間知縣盧絳勸建

崔府君廟在縣東關北隅

財神廟在西門外乾隆二十七年知縣拉昌阿建

東嶽廟在西門外

三神廟在南門外明嘉靖三十九年邑令徐富創建
邑人吉大來有記

梓潼帝君廟在縣治東門外乾隆十九年建 一在

縣東南二十里華山頂

晉文公廟在縣東二十里下村有塚見陵墓呂夢得
記每歲春秋致祭各一次

天齊廟在縣東二十里鄭柴吉峪南柳北柳范樸報賽

玉皇廟在縣東六十里歪頭山頂

羊舌大夫廟在縣東十五里犯村

聖母廟在縣東北五十里續魯卽柏林積雪處明萬

曆間知縣黃維翰修建鄉民立生祠於上

國朝順治十二年知縣賀雲舉重修

天神廟在縣東北二十里南柳莊

絳侯廟在縣西十五里勃村今廢

華陶廟在縣西十五里崗底村

介之推廟一在縣東北二十里郇王莊一在縣西

十里西喬村

泰山廟在縣南十里雷孟莊

姜嫄祠在縣南三十里煙莊存雲嶺上廟傍有塚見

陵墓元至正七年縣尉郭道遠重修有記明天順

八年修有司春秋致祭焉

坤柔祠在縣西五里吳壘村唐貞觀三十年建祠傍

多桃李夏月荷香繞池邑中勝景也元至正四年

重修

五公祠祀守道王公守道班公述道蕭公協府許公

知府李公

汪公祠在東關康熙元年闔邑士民爲知縣汪自潤

建邑人譚田明有記

節孝祠在縣治東南雍正五年知縣李祖望奉

旨建春秋二仲月致祭

